

Եւ անօրէն Օլախն, իբրեւ զմարախ անթիւ բազում էին. և մինչ Լաքին եհաս ի Սեչոմն, ահա զուժ հասուցին նմա՝ եթէ զՏեսօրթն սպանեցին, և սա իբրեւ լուաւ՝ այլ ոչ գնաց, և դարձաւ ելաւ երկրէն անվնաս:

1564. ԹՎ. ՌԺԳ. Պիղծ և անօրէն Օլէքշանտր՝ զոր էր փախստական, եւ լեալ զնաց ի Տաճկաստան, և անդ եկաց մինչեւ երկու ամ. և յորժամ զՏեսօրթն այս անիրաւ Տոմշան սպանեց իւր ձեռամբ, համբաւե՞ զնաց այս Ալէքշանտրին, անդ ուր էր բնակեալ ի Տաճկաստան. և իսկոյն ել և եկն առ խոնդիքարն. և խոնդիքարի որդոյ միջնորդութեամբ աղաչեց որ կրկին նստունցանէ զինքն ի վերայ իշխանութեան Օլախաց երկրի վրայ. և խոնդիքարն վասն որդոյն խնդրուածոցն՝ հրամայեաց նմա որ գայ և նստի ի պարոնութիւն իւր: Եւ յորժամ եկն և եհաս յԻպրայիլ՝ եղրն Տունային, և թխտեր զրկեց այդ անիրաւ Տոմշաին և իշխանացն ամենին, եթէ, Ահա եկայ, առ իս եկէք ընդ առաջ իմ, զի լինիմ ձեզ պարոն: Եւ նոքա ընդդէմ նորա պտտասխանի ետուն, եթէ, Մեզ պէտք չես, և ոչ զքեզ կամի երկիրն ի պարոնութիւն. ընդ որ եկեալ ես՝ դարձեալ ընդ նոյն ճանապարհ գնա: Եւ նա դարձեալ զրկեց ի խոնդիքարն, եթէ Օլախաց պարոնայք զիս չեն կամենար ի պարոնութիւն. և խոնդիքարն հրաման ետուր Գաթրի (Թաթարաց) խանին, որ գայ իւր հեծելով, և առնու զնա տանի և նստուցանէ ի պարոնութիւն: Եւ Գաթրի խանն եկաւ 50,000 հոգով, և էառ զայդ պիղծ Ալէքշանտրն և եմուտ ի երկիրն. և նստոյց զնա ի պարոնութիւն, և ինքն դարձաւ, զբազումս գերի վարելով և աւար առնելով զանասունս զամենայն, զարջառ և զոչխար, զձի և զմատակ երամով, բազում և անթիւ, մինչ որ զկէս երկրին զբարութիւն և զմարդիկ եհան և տարաւ. վասն զի խոտտացեալ էր այս գոռոզն՝ Գաթրի խանին, եթէ որչափ լինիս գերի առնուլ և տանել, հրաման քո լինի, բայց զիս հաստ իմ պարոնութեանս: Եւ յորժամ եմուտ Գաթարն ի երկիր, նայ այս միւս պարոն Տոմշա անուն կամեցաւ ընդդէմ զնալ և պատերազմել ի հետ Գաթրին. յետոյ իւր իշխանքն ցրուեցին զՏոմշաին զխորհուրդն, և չպատերազմեցան. և ելեալ ի երկրէն իւրեանց՝ փախստական գնացին ի Պուչաչ (Buchaczow ?) ի Նեմիչի աշխարհն, ամենայն բարութեամբն իւրեանց, կանամբ և ընդանեօք, զաւակօք. բայց եթէ կուի տվել էին ի հետ Գաթրին՝ նա պիտի յաղթէին զԳաթարն: Եւ յորժամ եկին ի վերագոյն գրեալ քաղաքն ի Պուչաչ, նա այդ քաղաքին իշխանն զնոցա զամենայն ինչ որ ունէին ընդ ինքեանս՝ էառ, և ի բերդն մտոյց, և զինքեանս ետ ի պաշտպանաց ձեռն, մինչ որ աղդեցուցէ զբանն թագաւորին: Եւ յորժամ աղդեցին թագաւորին՝ ի նոյն ժամ թագաւորն հրամայեց, զի զամենեսեան տանիցեն իլով քաղաքն, զոր և տարան և փակեցին զնոսա ի մէջ բերդին: Յետոյ ի խոնդիքարէ չառուչ եկաւ ի թագաւորն՝ վասն նոցա, զի կենդանի տաս զնոսա ի չառուչն՝ որ տանի ի խոնդիքարն: Եւ թագաւորն ոչ կամեցաւ. վասն զի այդ սահմանք ոչ գոյ ի այս թագաւորութիւն, զի զայնպիսի չարագործն